



句曲外史集序
陶弘景在齊梁時掛冠居句曲山自號華陽隱居
性雅淡愛山水每經澗谷必吟詠盤桓尤喜著書
賦詩旁通陰陽醫藥之術朝廷屢徵不起世以高
尚稱之後七百餘年當元盛時貞居以儒者抽簪
入道自錢塘來句曲負逸才英氣以詩著名格調
清麗句語新奇可謂詩家之傑出者當是時以詩
文鳴世者若趙松雪虞道園范德機楊仲弘諸君
子以英偉之才凌跨一代諧鳴於館閣之上而流



風餘韻播諸丘壑之間貞居以豪邁之氣超然自得獨鳴於丘壑之間而清聲雅調聞諸館閣之上諸君子亦嘗與其唱酬往還雖出處不同而同爲詞章之宗匠辟如軒輊詎知其孰先而孰後耶矧貞居博學多聞襟懷灑落故大夫士多景慕而樂道之也夫隱居負時世先後好尚問學似未可以同日語然隱居之清風高節貞居之雅度逸才亦可謂前春而後應豈非句曲山清爽之氣鍾秀於二子歟以吾夫子中庸之道修己治人金聲玉振

之文昭著於天地間使於學道而望洙泗之科猶未易量也至若奔競功名蹀躞聲利醉生夢死不白覺者則二子之罪人也抑其風度其將追嚴子陵陸修靜之武歟易曰不事王侯高尚其事二子其庶幾乎貞居張姓雨名伯雨字貞居其自號句曲外史世人稱之吳郡徐達良夫序

句曲外史集目錄

卷之上

五言絕句

東漢高士詠十四首

鍾翊

封君達

梁鴻

嚴光

左慈

句曲外史集目錄
 卷之上
 五言絕句
 東漢高士詠十四首
 鍾翊
 封君達
 梁鴻
 嚴光
 左慈

向長

費長房

范丹

龐德公

薊子訓

王喬

韓康

矯慎

法真

奚官洗馬圖

明皇按樂圖

古意

夜思

玄洲倡和十首

菌山

羅姑洞

霞架海

鶴臺

桐華源

玄洲精舍

紫軒

火浣壇

隱居松

玉像龕

六言絕句

烟梅睡雀墨戲

粧鏡

子昂風篁圖為葉景修作

七言絕句

元統元年冬十一月句曲外史菌山巢居

成製十小詩以自見錄呈華陽隱居資

李一捧腹山春興圖

龍虎山鄭良楚來從宗師入京

松下淵明為鄭明德作

次韻答薩天錫見寄

寄題陳生華山圖二首

海粟松雪酸齋雜書一卷戲題于左

湖上莫歸答吳養浩修撰

凌波仙

吳興墨蘭

李遵道溪山春曉圖

爛柯圖

詠梨花

偶成

御史入山

讀臨川集

春水

春酒

春燒

寄馮海粟待制附天目僧過廣陵三首

玄洲獨坐偶成

墨海棠

東坡書蔡君謨夢中絕句二放營妓絕句

三虞伯生題四絕于後真迹藏義興王

子明家要予次韻凡九首

山中

顧定之竹石

李仲賓雪竹

吳興道中

李鍊師雲閒卷

溫日觀蒲萄

桂枝詞

書道童總管贈蔡霞外詩後

新居快雨戲筆

子昂墨寫萱草

林泉高士圖

潯陽琵琶圖

馬遠小景二首

葛嶺新居

臺掾薩天錫求識予面而之燕南八月十

三四夜風雨宿茵閣絕句七首明日追寄

蘇之

緝熙殿御製墨梅詩帖

王子明求題高侍郎雨竹

樓居春曉望玄圃

四賢帖

月夕愛南窗竹影

李士行枯木

仙山樓觀圖為馬仲禮作

張公甫鍊山隱居圖

隱居圖

趙魏公寫生梨花折枝

張仲敏鈞勒風林

鶴山書院

覺林院

歸自雨中寫況寄景修博士

葛嶺東樂閒高士并寄公文道弟

次韻沙刺班郎中題襄陽官舍

葛嶺雜書

仲敬画華陽草堂圖

遵道竹枝

避暑圖

徑山寺僧山水

白無咎黃蜀葵

修竹士女圖

墨杏花折枝

五言律詩

晉彥博士以詩索和甚媿率然觀者勿笑

其窘步

輔成觀張上卿墓廬

風雪中得金陵諸公書二首

天谷菴

碧玉菴

湖寺擁碧軒

萬致柔還省親舍僕聞而往候道中得此

寄洞庭王子正

奉和揭學士聽松軒

孤山晚步寄和靖掌祠懷中庸子

十二月三日雪

煮石窩

良常草堂圖

齋居偶興

午日東楊廉夫

雨中

除夜

礪北梅口三月始華

萼綠梅

山水便面為柳道傳作
馬伯庸御史石田山房

寄樊子中打碑者

呈揭曼碩學士

曲密亭

流杯礪

菌閣

積雨

早秋

次韻元鎮玄文館有懷

開元貞人見遺劉商觀奕圖石刻毫髮布
縷皆盡精妙蓋李龍眠臨唐画本茅君
彦模勒爲玉局仙翁所藏云

乙亥元日試筆

無錫華子英谿山勝槩亭

蛛網落花

五言古風

題墨蘭贈別于一山之京師

雪齋

龍洞

張師夔畫謝家池塘

春山晴靄圖

蘭雪齋爲金壇王敬賦

再賦天池

五濱洲雲巢圖

寄題劉彥基丹室

十月十八夜震澤風大作明日大雪異常

又明日甲子日出大寒

次韻晉卿翰林贈陳秉彝

五言長律

書懷二十韻奉呈虞集賢

元日雪霽早朝大明宮和辛良史省郎廿

二韻 并序

茅山四十四代宗師牧齋真人昇仙謠

古詩長短句

姑惡

墨龍

卷之中

七言律詩

范以善雲林清遠館

盧疎齋集

書東坡先生画像

寄謝張子壽御史京口畱飲

宗師雲江還山虞侍講惠詩有詞請大洞

大錄

次韻柯敬仲學士見寄

經碧浪湖奉懷吳興公

贈商學士德符

泰定丁卯沙溪元日

寄李季和

舟次瀟湖用柳博士夢薛玄卿詩韻寄倪

元鎮兼懷道傳明德

曲林真人遺以乳石杯盤賦詩以謝

讀元次山集感而有作

次韻劉伯溫御史春遊

寄吳興趙承旨

方廣寺石橋

魏國趙夫人管君輓詩

寄京師吳養浩修撰薛玄卿法師兼懷張

仲舉右謁因寄三首

題范德機編修東坊藁後

御史中丞馬公伯庸有贈薩天錫還金陵

長句因次韻寄上

次韻楊廉夫送僧仲猷歸澄江禮敬寺

危太樸入都爲題雲林畫幅

懷薛玄卿

二月病懷

上清外史薛玄卿寄題菌閣且約以游武

夷次韻以答

玄覽真人示以李遵道舊詩一章俾次韻

悼之將寄其子克孝

贈漁樵侶

次韻楊廉夫見投

吾愛吾廉

江山勝槩樓爲龍虎黃希石作

乙亥二月還錢塘書懷寄鐫師魯

答楊廉夫二首

李寧之煮茶亭

礪阿坐雨寄以敬

十二月五日雪晴

張參謀席上奉餞高昌別駕朝宗通守如

京師併簡兼善尚書

讀戴帥初集

贈鐳伯溫太監

送鄭明德適越

虞先生送張元朴回龍虎有云塵尾每懷

張外史鷲羣今屬薛玄卿元朴索次韻

秋日晚興

道館雅集聽琴次楊彥常韻

贈危太樸

南洞居三首

送日本僧

錢塘西卽事

鼇峰宜晚亭

鐵笛道人新居曰書画船亭作詩以寄

寄楊廉夫鄭明德

馬伯庸中丞桐鄉阡遷祔有旨賜碑名肇

文開善有詩次韻

寄題陳渭叟紫雲編用張仲舉韻

新栗寄雲林

西爽軒次韻韓致用

答董子羽見寄

秋詞

寄渭清遠記室

吳興舟中

次韻倪元鎮贈小山張掾史還寄元鎮

元統甲戌夏五月既望余客義興王氏懷

慶堂十又八日偕士友張德常謁張公

洞得七言詩一首寄住山陳長卿周仁

仲

吳石居使君壽八十

吳養浩江浙提學任滿侍親歸番陽

題彭大年禱雨詩卷和仲舉韻延祐己未

再開玄道院作

悼鶴

和沙刺班郎中上巳湖上道宮韻

代溪月翁和吳宗師所寄賜酒感興詩韻

柳道傳送別還茅山次韻復謝

次韻題呂氏園館

和坡仙寒食詩 并序

再次韻沙刺班郎中春遊二首

歐陽巡尉遇仙卷

伏蛟臺胡道玄請題伯生有記

浴鵠灣題壁

送姚煥章還京口兼簡張率性

和丹丘生悼吾子行書遺墨後

八月十五夜待月

次韻韓伯清見寄

月山石詩

春將過半病懷索莫惜無可與言詩者得

句自遣山澤癯者云

士弘賢良狼贈佳什空山真有似人之喜

卽與奉和所望爲晚菊一來山也丙戌

大夏作

方泳道令尹水竹亭

善權山洞

次松瀑黃尊師寓籌峰韻

快雨喜晴而開陽室適成賦詩自慰

女仙江靜真碧遊仙詞

越靈峰寺之松風閣

筆塚

次桑善止韻是日廉夫楊尹見訪

次韻王文友送遊張公洞

再次倪元鎮韻

黃一峰畫貞居圖

代玄覽真人次虞伯生見寄韻

又次韻

贈姜彥翁秀才 并序

和黃晉卿提舉憶舊詩

天師素華閣

碧筒飲

上京賜宴王眉叟有詩次韻

卷之下

卷詞

東風第一枝

蝶戀花

銘

方隅洞銘

玉磬池銘

石室銘

并序

記

真樂軒記

贊

外史自贊画像

傳

中嶽外史傳

附錄

句曲外史張伯雨墓誌銘

句曲外史小傳

句曲外史集

廿六

卷

句曲外史集

目錄

卷

句曲外史小傳

二八二

詞

句曲外史詞

句曲外史集目錄 終

句曲外史集卷之上

錢塘張雨伯雨

五言絕句

東漢高士詠

八月十三夜風雨淒其慨念東漢諸逸民

取大蘇公中秋冷坐無因醉半月長齋未

三千歲肯辭為韻

子相足周旋 一作破此家產豐陰功誰為書得來

華陽中

右鏞翊 子相真誥作子翔得道任華陽右理中監

入山服黃連還鄉騎青牛借得一作五嶽圖一作去

三千秋 實編錄

右封君達 中丞少坐無因酒半月長夜未

侯光與德耀布衣心耿耿長夜五噫歌誰念空山

冷 東齊高士稿

右梁鴻

難與助為理聊復共偃臥文叔迫我甚客星一作誰云

犯帝座 東齊高士稿

右嚴光

老瞞實雄猜乃忌仙者徒鱸魚既可鱠蜀薑不可

無 古韻錄

右左慈

貴誠不如賤富誠不如貧自無子平易孰悟損益

因 古韻錄

右向長

贈行青竹杖壺中有餘地如何一升酒盡日登樓

醉 古韻錄

右費長房

破甌久生塵短衣不掩骭還渠一斛麥所拾已雜

半一作解一作六解向是

右范丹

臥龍拜牀下劉表安能屈照見採藥踪猶遺鹿門

月

古古

右龐德公

欲追薊先生白雲迷其方驢鞭不可執一作壽與

銅狄長

右薊子訓曲音疑且白商吹笙古仙人政要玉棺埋借問雙飛鳧何時離縣齋

右王喬

公是伯休那賣藥價不二却問奪牛翁徵君當過

未

右韓康

養壽慕松喬潔已配箕穎穴居七十年一作七十

事兔耳

娶妻終不肖

右矯慎

逃名名我隨避名名我追去去南北山與世從此

辭

本轉氣

未

右法真

公景奚官洗馬圖

曾侍赤墀東天池看浴龍晚涼湖上夢猶立柳陰

中

大明皇按樂圖

髯伶識樂句我信曲有誤月白商聲多塵起漁陽

戌

古意

吳綾光纚纚織成鯨掉尾美人不敢裁恐觸波浪

起

夜息

空山嘈夜雨幽人坐惆悵今夕楚礪泉明日秦淮

浪

玄洲倡和

茅山玄洲精舍左右真仙古蹟日菌山羅

姑洞霞架海鶴臺桐華源玄洲精舍紫軒
火浣壇隱居松玉像龕至治二年壬戌歲
道吳興溪上與松雪學士倡和十絕以記
其處仍書刻石山中
靈丘狀三秀紫雲覆其顛易我朝生質閱彼大椿
年

右菌山

九疑得道女受事易遷家詩贈金條脫人逢萼綠
華

右羅姑洞

日芒界金色虹梁飲鳳阿直把天孫袂烏鵲詎填

河

右霞架海

靜夜颯靈風神君語帳中至今雙白鵠時下五雲

峰

右鶴臺

華林清散景丹水碧凝脂落葉秋無數玄都嬾寄
詩

右桐華源

李基遺故鼎趙嘯絕風雲悠悠千載下更復屬夫
君

右玄洲精舍

玄窗太霞氣赤書洞古文借問軒中主莫是紫陽
君

右紫軒

真火本無候真人自出現問埽劫灰餘幾見紅蓮
變

右火浣壇

露壇栖妙蔭仙籟降靈芬何時三易帔重拂兩梢

右隱居松

瑞儀溫比玉一作德寶帔曲流光稽首大司命料理

住金鄉

右玉像龕

六言絕句

念烟梅睡雀墨戲

珍偶偏憐瓊樹寒香漠漠紛紛誰見羅浮月黑一枝同夢梨雲

粧鏡 王勣詩

璧月朝朝瓊樹明星處處阿房不似千秋鏡裏與人能鑒興亡

子昂風篁圖為葉景修作

不同主人看竹稍似隱居聽松一代親承墨妙葉公信有真龍

七言絕句

元統元年冬十一月句曲外史菌山巢居成製十小詩以自見錄呈華陽隱居資一捧

腹

崇元館主在齊梁迺有元之吳郡張相望八百四

十載我居

一作 鶴臺如故鄉 事見九

望見飛檐松杪花下盤陰洞石聳身老樵迷路疑

一作 驚 相問若個江東道士家

風水所言唯理氣眼明此術未全疎景純解道遊仙句信是青囊有異書

縹緲洞庭連白雲綠橘黃柑能見分昨日扁舟尋

好事明年處士比封君山前木全氣景殊神

谷中僅僅一作僅有一菴住壇上纍纍白一作唯石陳

杖隨流水過隣舍席與長松分主賓

但倚茅君為座主從稱外史作官街道家六經發

願寫深向石頭藏一函六之與時乘即聖人百

屋壁一作頭置書碑版多雄一作白虹光怪鳳凰阿玄洲

地名看到空山一作深山十日雪竈突無烟奈爾何一作

肯借山中步障錦與作天下庇寒裘三尺窗櫺萬

株木不怕霜寒到上頭似無意蕭關未如限亦

只有天公終可倚我作巢居名倚天未必高虛無

事業負日讀書兼打眠下空若水公建德地也

龍虎山中薛玄子璿林築臺詩亦工應接菌山聊

爾耳非關千里事同風

龍虎山鄭良楚來從宗師入京謝會風

目送三峰鸞鵠群更憑谷口喚夫君莫嫌病臥墻

東叟畱得長鑱管白雲

松下淵明為鄭明德作

卷之上

歸來不為督郵輕自為松根長茯苓博浪金椎拈
不起倚鉏却讀相牛經

目次韻荅薩天錫見寄
推敲指點據吟鞍苦為搜詩夢不閒誰會鳳凰臺
上意手按黃菊看鍾山

寄題陳生華山圖二首

西祀曾尋箭筈天雲臺石室故依然雪驢嗅地鞭
不起一笑太平三百年

華嶽秋高不受寒虎頭粉墨意蕭閒赤城別有思

仙夢長在明星玉女間

海粟松雪酸齋雜書一卷戲題于左

長沙老筆混狂瀾一作戲刮耳鷗波點素紈一作松雪

憑誰染翰墨風流作三笑最憐白紵一生酸一作寒

湖上算歸荅吳養浩修撰吳時止酒

樓外鴉啼暮雨微歸鞭忙趁落花飛若教禿髯翁
能飲肯羨山人倒載歸

凌波仙

春雲如水碧粼粼誰見凌波襪上塵洛浦湘臯都

是夢手中花是卷中人

吳興墨蘭

墨君石友是同參幾葉光風染碧嵐
悵望王孫杳何許年年芳草滿江南

曩讀葉靜齋草木子中一條云趙仲穆者子
昂學士之子宋秀王之後也能作蘭木竹
石有道士張伯雨題其墨蘭詩曰滋蘭九
畹空多種何似墨池三兩花近日國香零
落盡王孫芳草遍天涯仲穆見而媿之遂

不復作所記與此詩意正合而集中無之
因附見于此噫缺崖之悲不其然哉石樓

野生漫識

李遵道溪山春曉圖

誰寫江南雨後岑清寒空濶撲雲林何當載我圖
書去共試野航春水深

爛柯圖

一局棋殘爛斧柯山中日月竟如何
歸來記得神仙着不比人間局面多

詠梨花

折得瑤花第一枝
清明時節寄他誰
絕憐天上無真色
號國夫人淡埽眉

偶成

黃篋樓中枕書臥
雙鶴交鳴驚夢破
青天墮下白雲來
卷簾一陣楊花過

御史入山

喜聞宰相入山來
急喚山童埽碧苔
雲鎖洞天三十六
樓臺一一爲君開

讀臨川集

班馬文章老琢磨
咎夔心跡半彫訛
執鞭願作鍾山吏
一袂字書隨白騾

春水

雪消岩溜注灣陂
便有微瀾作渺瀰
時見幽人來照影
蕭梁臺畔立多時

春酒

雪度青天落酒杯
花枝半拂角巾摧
陶公醉石蒼苔滿
不見猖狂李白來

春燒

日落山前野燒生
白茅黃草地初晴
明朝卻賦雉帶箭
呼酒岡頭看火城

寄馮海粟待制附天目僧過廣陵

天目峰頭一鶴回
白雲持贈當寒梅
瓊花觀裏開包處
寄得玄砂白紙來

三都一序爭傳賦
借重西州皇士安
慚愧山圖經品藻
苦心畱得後人看

昨日淮南召八公
揚州擬看醉圍紅
賺人鷄犬雲

中去策轉江頭控鶴童

玄洲獨坐偶成典
玄洲色相同開道
巖門深

簷外菁葱玉樹排
小山叢桂近當階
出雲好看鸞

輪頂雲出颺輪忽被埋
同飄風風際
鸞背背背背

墨海棠

漢宮愁絕冷煙枝
一作烟枝一蘸鐮
鄣兩鬢絲甲帳夜

寒銀燭冷六銖雲
帔獨來時

東坡書蔡君謨夢中絕句
二放營妓絕句三

虞伯生題四絕于後
真迹藏義興王子明

家要子次韻凡九首

日將公事湖中了醉入重城列炬明自古大藩財
賦地古人偏得賦閒情
謝女嬌吟雪比鹽北臺馬耳見雙尖衲衣政索歌
姬笑不道春寒繡被添

寫韻軒中塵不驚與誰同躡鳳凰翎綵鸞可惜情
緣重只合清齋寫道經
釵頭新綠荔枝紅那與江桃色味同聞道端明新
進譜一時殿閣起薰風

香辟春寒玉辟塵流蘇斗帳醉和春一雙明月都
無價寂寞人間第二人

江南在處烟波好浪迹先生不上船近就闔閭城
下宿可憐霜月夜娟娟
青城樵者一衰翁寫罷烏絲滿袖風消得玉堂金
研匣至今傳入畫圖中

聽碾龍團怯醉魂分茶故事與誰論纖纖玉腕親
曾見祇有春衫舊酒痕

白公種竹蘇公柳談笑功名後世誇依舊葑雲三

萬丈斷橋誰與築堤沙

山中

一枝石瘦如磨角六出花開似麝臍
隨意莓苔一杯酒也勝騎馬聽朝鷄

青然顧定之竹石

龍孫乍脫襖兒錦石面都皴彈子窩
畫妙通神欲飛去虎頭癡絕奈渠何

李仲賓雪竹

斷縑黯淡何人墨四十年前老薊在
向使戴家多

種竹雪中那肯便回舟

吳興道中

書淫画聖王孫老雪艷沙明湖水清
黃庭不用鵝群換也許山陰道士迎

李鍊師雲間卷

朝隨飛鶴出簷端倦鳥紛紛算與還
若似山居無用者此身政不羨雲閒

溫日觀蒲萄

日觀一飲西涼酒解寫蒲萄絕代無
請師截斷葛

藤路還我黑月摩尼珠

桂枝詞

桂樹叢生枝婀娜
糝粟黃雲欲成朵
薰醒秋衣懶
下牀金蟾啮
斷燒香鎖

書道童總管贈蔡霞外詩後

多病潛夫嬾入城
旋營草閣看陰晴
竹宮桂館花
繁處乞與霞僊爛熳行

新居快雨戲筆

旋埽林扉一榻橫
綠陰幽底水紋平
閒眠愛殺荷

溝雨玉磬池邊無此聲

玄洲精舍玉磬池皆石骨也

子昂墨寫萱草

中無對書為畫人間

碧浪湖頭翰墨香
山蜂遊趁午陰涼
戲拈小筆塗
幽草正自無憂得可忘

林泉高士圖

我本玄真老孫子
意托綸釣相娛嬉
浮玉山前一
瓢酒頗恨時無顏
太師

潯陽琵琶圖

一幅面屏秋月圓
荻花楓葉染江天
江州自是無

司馬多少琵琶上別船

馬遠小景二首

柳未藏鴉雪未消春衫遊子馬蹄驕去年沽酒樓
前路錯認桃花第一橋
玉砂卷海白模糊千樹梅花掃地無彷彿水仙祠
下路金枝翠帶不勝扶

葛嶺新居

葛洪川上有餘地善和里中無故書為惜人間秋
水觀鷄鳴犬吠又移居

臺掾薩天錫求識予面而之燕南八月十四

夜風雨宿菌閣絕句七首明日追寄之

李公求識少陵面未聞草堂三日畱看君用意古

人上却愧無言與獻酬

鶴臺道民掩柴扃鴈門才子宿寒廳恰有金華一

樽酒且置茅家雙玉瓶

巡官畏虎盛前呵驚動燕山薩照磨剪燭對牀詩

未穩從渠醉尉問誰何

物華年鬢兩駸駸憶別何堪動此心喬木萬株天

一握菌巢獨自看秋陰
高情常愛白雲多雲爲漫山雨注河野人寧知御
史雨祗見石田蘇晚禾
走送蒲衣菴外路歸時望見赤山湖林子求看換
鵝帖胡郎傳送捕魚圖
內臺最近燕南幕博士臺郎有此除山澤何當大
人賦寄聲多謝馬相如

緝熙殿御製墨梅詩帖

宣和妙賞緇衣句傳在夷門作勝談行殿春風四

十載玉妃終老向江南

王子明求題高侍郎雨竹

雨立修篁似戟枝墨君畱影故傲傲房山祗憶巴
山夜及見官奴把燭時

樓居春曉望玄圃

時寓杭州
開元宮

子晉新宮倚太霞繞湖烟火萬人家觀臺一面無
人處日出烟消都是花

四賢帖

四賢者伯長袁侍講伯庸馬中丞伯生虞

侍書時中劉待制玄卿裝潢手書成軸命
予題識遂卽虞公絕句韻書于後

四明狂客已乘雲海內文章有二君可惜戴華劉
伯壽只今零落鳳凰群

月夕愛南窗竹影

兩叢小竹南窗下露葉風枝共秋夕月明見影忽
自笑移得王淮鳳翔壁

李士行枯木

兩株蒼柏如蓬首皮毛剝落心不朽曾見春風春

雨來相看喚作忘年友

仙山樓觀圖爲馬仲禮作

憶共能書蔡少霞良常洞口看桃花人間詩酒耽
迷了三百來年不到家

張公甫鍊山隱居圖

鍊山曾照鍊衣寒南渡功名有足觀不見元豐全
盛日錢鏐孫子已黃冠

隱居圖

壺漿相餉過溪東縞袂青裙笑語中何必桃源尋

舊路太平間作祝雞翁

趙魏公寫生梨花折枝

玉面渾無獺隨痕春風洗綠上飛裙遙知姑射山
頭雪化作楊君夢裏雲

張仲敏鈎勒風林圖

墨君神駿出洋州形似無如老薊丘可惜風林半
窗月試憑老眼為雙鈎

鶴山書院

寂寂茅堂掩畫門藤陰花氣小池渾也知建鄴青

精飯不到臨邛白髮孫

覺林院

石湖園中數株石堆向覺林僧子家眼前醒醉若
無語領客繞庭唯看花

歸自雨中寫况寄景修博士

蛙處水連圍屋草鳩時雨爛覆簷花移過書窗金
鵲尾祗言渾似野人家

葛嶺東樂閒高士并寄公文道弟

葛洪井上訪貞居一飲甘泉足自如拂袖莫嫌狂

散甚子非知我我知魚

次韻沙刺班郎中題襄陽官舍

峴山日落春風起竹塢湘桃零亂開倒著接羅馱
瘦馬無人知道使君來

葛嶺雜書

小娃小艇無蹤跡只有荷花雨濺裙淨洗一方天
水碧不教歌板污游雲

仲敬画華陽草堂圖

珠樹風來學鳳鳴玉泉雨過作琴聲識得良常洞

中路前生我本山玄卿

遵道竹枝

篔簹谷口白雲生雲裏琅玕萬玉聲驚破幽人春
枕夢一窗斜月半梢橫

避暑圖

雪藕冰盤斫鱸厨波光簾影帶風蒲蒼生病渴無
人問赤日黃埃盡畏途

徑山寺僧山水

澄心蠶紙墨花香上有元暉古印章怪底徑山山

寺裏老僧衣袖著瀟湘

白無咎黃蜀葵

金銅仙人雨中立鉛淚恰如辭漢時傾心脉脉何
所待願見白日光陸離

修竹士女圖

空谷佳人玉珮璫琅玕斜搭領襟長杜陵野老多
才思解道風吹細細香

墨杏花折枝

折得隣牆紅杏枝春風偷染墨臙脂恰如誤入仙

山路虎嘯林深月暗時

五言律詩

晉彥博士以詩索和甚媿率然觀者勿笑其

窘步

鑿磧盛春雨新流遶舍前何當畱太白相與學思
玄碧洞無人掃丹梯有路緣催詩苦云迫莫笑竦

鳶肩

輔成觀張上卿墓廬

青牛謝車御白鶴嘆人民閣有凌烟像橋無進履

身平生玉欄具此地石麒麟蕩蕩傳宗業中朝倚
外臣

風雪中得金陵諸公書二首

雪作衆禽驚窗幽亂霰鳴愕然身渡落莫矣歲崢
嶸松竹聊娛拙乾坤苦忌名故人不相貸書札到

柴荆

落木從風靡支流越谷斜山空不須說歲去若爲

遮飢鶴掃窗紙寒魚嚼雪花推書更一作清坐席

暖到昏鴉

天谷菴

宣和金壇郎郭高士之居也

十三科取士救世豈無方儵送孤鴻舉難追八駿

驤金壇猶著號碧落舊爲郎劒化丹爐在山寒井

水香

碧玉菴

四明袁氏

廿四岩前客能忘賀監居乖龍噴草檄古象泣遺

書把袂風塵表近公冰雪如時來青瑣闥晚節要

蘧廬

湖寺擁碧軒

喧寂一塵隔湖濱出寶坊荷陰分補衲水氣雜燒
香書勸鳥皮几茵敷白氍毹從來已公屋詩客許
徜徉
萬致柔還省親舍僕聞而往候道中得此
數里平岡路仙山迹漸分柴荆來鵲語村落去人
群粉陣松崩雪濤頭日濯雲不緣停僕御直以候
夫君

寄洞庭王子正

一本題云聞洞庭之勝

洞庭山似簇銀闕翠芙蓉安得滄浪子同尋縹緲

峰魚龍隨水落橋袖待霜濃未必桃源似雲帆躡
去蹤

奉和揭學士聽松軒

何年種松子此地聽松聲濤響風還作山空夜自
明一瓢嫌物累九奏感時清得似蒼髯叟長依白
玉生

孤山晚步寄和靖掌祠懷中庸子

瑪瑙坡前立荒陂接葑田試從樵子徑往覓僕夫
泉衆草寒猶短群峰晚更妍誰歟結真隱共老太

平年
無遊十二月三日雪
快雪真無價豐年定有期臘前才一白至後已多
時玉展琳琅步花團蛺蝶枝春風在天上飄入萬
年池
仙人白石子服食受奇方王烈猶食髓初平枉叱
羊砂牀收箭鏃玉屑備糒糧借爾彌明鼎行窩到
處將

良常草堂圖

隣近方隅洞良常別有天草堂朝看雨藥圃夜春
泉邈矣盧鴻乙奇哉魯仲連君看遺世者若箇是
神仙

齋居偶興

絕澗多靈石中開小洞房醉醒依竹素晴雨看梅
黃樹暗鶯聲澁岩虛水韻長未能超賈馬自足上
羲皇

午日東楊廉夫

客有擁琴至吾寧折簡招足音垂谷口雨氣截山
腰酒倩紅泉瀉花爲絳節朝不嫌泥濘極一舸段
家橋

雨中

推枕遽然覺高齋人跡稀卷簾芳草短看雨杏花
肥薄暮寒仍在中林願稍違一遷隨谷鳥喬木是
耶非

除夜

忽忽歲云暮徒興白首嗟山畱待伴雪春禁隔年

花把卷因遮眼分餉且膠牙自緣身懶惰莫遣送
窮車

礪北梅

礪北梅三月始華
陰礪殘梅枿臨流一向欹但存孤注在敢恨一生
遲凍雨如相煦春寒不受吹後時翻見獨宰物遂
成私

萼綠梅

山中古仙子無言春寂寥玉容澹朝雨翠氣溼微
霄臨風怯玩影弄雪妬攀條擬覓何郎句還憑翠

袖招風勢爽
 山中山水便
 面為柳道傳
 作容
 篋笥秋非遠
 塵埃暑實煩
 遂游千里目
 稍待一涼
 恩僧閣依旁
 嶺漁梁跨別
 村誰能從象
 外試覓武
 陵源
 馬伯庸御史
 石田山房
 監州遺愛地
 御史讀書堂
 絃誦猶懷魯
 田園獨在
 光白茅編野
 屋翠竹被溪
 梁欲賦淮南
 隱知君意
 不忘

寄樊子中打碑者

樊遲詎學圃
 可論金石交
 常賦舊文字
 如見古陶
 匏漢篆龍回
 壁梁書室臥
 蛟墨卿吾與
 爾聊復隱
 三茅
 呈揭曼碩學
 士
 柴荆馬糞間
 蛛網動相關
 閣老因移疾
 鰕生賴訂
 頑雨涼新竹
 健沙僻睡鳧
 閒如許清秋
 意扁舟猶
 忍還
 曲密亭

水盤山復屋亭此可婆娑蝸角地雖少蜂房春自
多橋藏商皓樂鳳憶楚狂歌何必天津上遠尋安

樂窩

屋當作厓

流杯礪

古木蟠幽礪層巒疊翠臺水歸蒼玉峽風引綠荷
杯我自知魚樂人誰祓禊來惜無鼠鬚筆寫記刻

岩隈

菌閣

岩架菌芝出榜題松雪扉雲來畫簷宿龍向墨池

埽對几琴三疊倚闌山四圍仙靈能夜降應得受
玄機

積雨

飽聽三峰雨閒題七月詩水深荷意怯田冷稻心
遲鼃黽陰爭盛蛟龍勢亦隨蒼茫不可問身外付

雲移

早秋

每嫌新酒少尚喜故交稠籬落三家墅梧桐十日
秋月生微顧兔星淡沒牽牛亦欲觀多稼江湖雨

未周

次韻元鎮玄文館有懷

林氣早知雨
馳淡研苔滋
素飈驚閒慢
朱實委清池
將整還山旆
復亂故園思
拏舟倘未遠
弭棹一

來茲

開元貞人見遺劉商觀奕圖右刻毫髮布縷

皆盡精妙蓋李龍眠臨唐画本茅君彦模

勒為玉局仙翁所藏云

薪桂蘇蘭者能來立坐隅徒聞玉楮刻遂信石枰

圖妙蹟傳仙李高名重大蘇向來林下意不敢易

樵夫

乙亥元日試筆

四日得春

自古三朝節于今一笑看問年書亥字獻歲出辛

盤黔突多蒸米紅冰臙浴丹行行追勝事步步埽

春寒

無錫華子英谿山勝槩亭

共愛谿山住輸君勝槩多疑將草堂画展向鏡湖

波鸛雀深松栢鳧鷖足芰荷更修仁知術鄉社樂

婆娑

蛛網落花

飛花墮錦茵
蛛網解留春
露垂沾更重
風破舞還頻
不逐燕嘴泥
寧隨馬足塵
遊絲復染惹
流浪何

足噴
五言古風
題墨蘭贈別于一山之京師

三月愁送客
春寒雨如霰
冥冥返塞鴻
悄悄栖梁

燕揚帆
五十日蓬萊
望中見欲持
猗蘭操一奏
南

薰殿

雪齋

騎驢吟雪詩
煮茶煎雪水
何如掃一室
置身虛白裏
君家有故事
高臥殊未已

龍洞

山中春水泛
蛻骨長於樹
拏舟探穴口
甚深不敢渡
窮冬桃始華
爛然珠光處

張師夔畫謝家池塘

春風颯然至
幽人午夢醒
遙見池塘綠
不知春草

生如何騎馬客亦向夢中行

春山晴靄圖

危亭面懸瀑深塢著茅堂群木相掩薄風披如有
香避世真樂土欲往川無梁隱淪倘見招歲暮從
徜徉

蘭雪齋為金壇王敬賦

謫仙有妙語清風洒蘭雪高懷千載下子獨慕芳
潔春冰斲瑞花晨露滋奕葉端居味道腴光景庶
不滅

再賦天池

龍從古墩丘泓潭浸其股金碧爭蕩磨穿穴稍旁
午斬松羅石榻玄芝錯神許遙應玉女盆潤及黃
精圃

濱洲雲巢圖

張彥輔畫

蒼山不受寒裹以白兜羅借雲以為暖我意不在
多小營丹鶴巢高栖翠雲柯飛仙度鸞笙老人臥
雞窠誰能江海去風雨一漁簑
寄題劉彥基丹室

昔聞冲虚宮遠在錦江頭往來多異人東望不可
求借問鴻寶書枕中今在不尚餘一丸藥光景夜
不收食之生羽翼飛去十二樓下視何蒼蒼至情
難久畱我將拾瑤草遲子於玄洲

十月十八夜震澤風大作明日大雪異常又

明日甲子日出大寒

弱齡逃世網一勇以求志折旋四十載竟日坐有
累大拙使爲巧小樸使爲器用是役於人夫豈足
言智飄風鼓具區如我長噫氣追惟年運往通夕

遂忘寐聖人罕言命天道殊難致委順待未來餘
日敢終棄

次韻晉卿翰林贈陳秉彝

金華黃太史出爲儒臺冠詩文齊六經奇古誰敢
傳如掇明月珠妙在九曲穿而子工筆札狗監非
所薦挈之登龍門果獲尾時彥孜孜勤執經矻矻
勞染翰敏手不暇給精華且屢換憐才吾輩事子
乃羞自獻由茲數來往無事輒相見湖嶺錯縈紆
烟霞爭變幻一夕快雨餘春物已消半言歸天台

與俄頃語離散此手不易執明日柁樓飯迢迢望
白雲瀑布聲許悍赤城跨滄海朝霞以爲岸倘遇
仙者徒勿易樵牧賤予衰志求道千載猶算旦老
經三百家一一理殘卷霜毫犯冠籜墨汁滓衣汗
何功使願果盡力輸老腕子書能瘦硬淚眼秋隼
健唯餘篋中字照我目光爛送子望崖返回目窮
海甸春夕豈不短反側移漏箭纔夢金庭游還逐
濤江亂游知家庭樂旭日陰始泮身扶老人杖衣
憶慈母線還期當及時遲子秋水觀栖栖寡儔侶

孤坐至日晏追步太史作用以申繾綣

五言長律

書懷二十韻奉呈虞集賢

昭代千齡運斯文一柱功初當延祐日晚識廣陵
公朝士因推轂先生猥擊蒙睽乖遺廿載寤寐接
孤風太史山川彥仙儒館閣崇置身清切上用志
杳冥中句法黃初過才名冀北空朔南馳使節江
漢借歸蓬酒問餘杭姥泉尋六一翁境非秋水觀
寺卽紫微宮侍坐要王遠移家近葛洪於焉承咳

唾足以振罷癘卓爾身為貴胡然老見攻戰肥終
道勝德重豈途窮玉趾閒迂步麻衣病鞠躬茶烟
窗冉惹墨沼樹玲瓏飢甚無瑤草招來有桂叢輸
心何落落把袂輒匆匆易進乘軒鶴難追戲海鴻
明朝去吳會長笑為誰雄

元日雪霽早朝大明宮和辛良史省郎廿二

韻 并序

延祐改元三月民瞻石宰相相遇京師承需
鄙作且辱先施之惠林下朽生不能造館

閣綺語幸於言句外求之愧悚而已

纔設中庭燎俄看密霰飄歲開環甲紀星動指寅
杓鳳集天門榜珂鳴月殿橋卿雲同四表和氣集
三朝陛級肪初截雲層玉旋雕句陳分彩隊步輦
簇青腰積屑承盤重吹花到笏消透迤光斧座凌
亂綴珠翹樂共鑪烟合班隨翠袖招聞風游廣漢
玉局道逍遙北戲魚龍舞中巖虎豹調旌旗攢鬣
員冠劔掠招搖穆酒曾觴母洪崖及見堯萬年臨
紫極一白慶璇霄朝會儀如此騫騰意頗饒身唯

參寂寞世豈絀紛囂姑射消疵癘蓬萊倚次寥瑤
華攬戴勝珠樹引回鑣有術探鴻寶何人識爨焦
竟須窮海岱直擬並松喬書就神牀寫香從別室
燒憐君守華省琢句廢春宵
茅山四十四代宗師牧齋真人昇仙謠
昔愛西城記華易許徧窺醉持龍節舞寒借鹿裘
披祗憶山中樂寧期世外悲及傳南嶽劔難駐赤
城師畢道能無待玄科本有期紫宮新坐席金籙
古威儀菌石哀泉咽松花泣露垂他年歸白鵠尚

慰里民思

古詩長短句

姑惡

村南村北麥花老姑惡聲聲啼不了有姑不養反
怨姑至今爲汝傷風教噫君雖不仁臣當忠父雖
不慈子當孝

墨龍

高昌世子寫墨龍此龍乃出開元東井中東井水
與天河通龍下取水遺其踪道人識墨帝子逃入

世子之筆鋒并頭夜半飛霹靂元氣淋漓雪色碧
一鎖銀牀五百年纔點目睛生羽翼

上清正一弟子節齋陳應符集

紫微學仙童子石樓孔聞講類

句曲外史集卷之上 終

句曲外史集卷之中

七言律詩

范以善雲林清遠館

華陽

一作雲林

范監居幽眇不到玄窗未易逢山氣半

爲湖外雨松聲遙畚嶺頭鐘嘗聞神女騎龍過亦
有仙人控鶴從安用藥流三萬里小天元在積金

峰

盧疎齋集

盧疎齋集宣成校官本讀之一過生氣凜

然有懷哲人援筆而賦

人物西清第一流曾看繡斧下瀛洲難求冀北千

金骨空載江南數斛愁小謝夢無青草句大蘇詩

有景疎樓敬亭依舊峨眉月付與騎鯨一作盧邀汗漫

游一作雨外遊會商頭巖管閣軒文編讀盛亦

書東坡先生画像不惟玄窗未見巖山原半

峨眉秀色杳難攀玉局仙人不受閒南斗日躔一作

辰韓吏部西湖風氣白香山寧一作從教刺舌奸邪

黨可惜低頭侍從班試一作更問東坡鐵拄杖于今

海上未曾還門不見人國效既謝奉餽具貽咨登

寄謝張子壽御史京口畱飲時將赴湖南憲僉席間楊以吾

鼓琴馨 叟吹笛

賣藥南徐兩日畱繡衣相對似清秋借抄衡岳元

君傳挽住湘潭使者舟安道推琴元有在一作琴何待

破桓伊弄笛一作三弄若為酬歸來獨醉投山閣一作獨臥

林間 醉 夢寄新詩與率牛一作只

宗師雲江還山虞侍講惠詩有詞請大洞籙

丹鳳樓前返羽車清詩滿袖出京華雕蟲徒刻三

年楮補袞應飡五色霞
太白晚傳青綺帔
元种早授玉門砂
要知不隔金閨步
常是相從太極家

林朝

次韻柯敬仲學士見寄

柯時悼亾

故人往往天祿閣
我嘗夢見燃青藜
重簾月落秋燕往
九衢塵動朝鷄啼
能傳米芾書
画學稍憶盧鴻林
鶴栖繇來避世向
金馬諷諫得君寧
滑稽

經碧浪湖奉懷吳興公

湖水秋空玉色勻
蒹葭織雨上綸巾
重來羊峴誰沾泪
却顧龍門不見人
獨放酒船尋鱸具
誰容狂

客吐車茵西風白羽元
非用只為人間苦障塵

一織

作殘上一作酒苦一作善

贈商學士德符

鞭鳳笞鸞

一作笞鳳鞭鸞

下紫烟筆牀塵尾
意翛然一貧

自信如陶侃三絕誰能似
鄭虔金碧瀛洲扶御展
玉華仙露灑經筵
壽巖獨立風塵表
却笑靈椿是小年

泰定丁卯沙溪元日

按誌是年外史蓋五十一矣

山世行藏本不羈
江東節序片帆隨
三朝猶是嘉

平臘一集一作七字又題丁卯詩赤石青林舍古色白

沙翠竹照一作弄清漪春風浩蕩鷗波興終要南山

霧豹姿

寄李季和

孰與言詩李髯叟一日不見已為疎因觀故京來

白下載聞新作過黃初小峰待月許攜被中林放

鶴要迴車杜陵醉歌不易得豈惜華陽真逸書顧况

號華陽真逸

舟次瀟湖用柳博士夢薛玄卿詩韻寄倪元

鎮兼懷道傳明德

息遠重逢茅小君香消酒盡路三分五湖歸思浮

天水一霎秋陰過雨雲柳子篇章渾可法花奴絃

索共誰聞唯應自洗唐溪石填得金泥小篆文

曲林真人遺以乳石杯盤賦詩以謝

上黨攙天入醉魂元功有意琢雲根小於藥玉荷

心琰大稱霜皮木瘦樽藉草飲時畱洞吏隔花捧

處倩山猿殷勤更借彌明鼎寒夜聯詩酒屢溫

讀元次山集感而有作

漫叟古之賢達歟憤世直言七不如著書首補雲
門樂取醉政賴石湖魚湘中韶濩遺欸乃天下漫
浪知猗吁餓死杜陵拾遺老唯有春陵能起予

次韻劉伯溫御史春遊

草木幽馨磻道微白雲拄杖去如飛獨尋玉女洗
頭處相伴仙人采藥歸幾疊翠微深杳杳一簾紅
素亂霏霏可堪酒債兼詩債老却江南白苧衣

寄吳興趙承旨

亭下

一作門外

鷗波好放船蒼蒼葭菼水如天投綸漁

父小垂手化蝶秋蟲大學仙麻紙丹書應滿笈編
魚紫蟹不論錢清真逸少誰同傳獨許華陽許叔
玄

方廣寺石橋寄

綠玉飛梁碧蘚封羽人來倚瀑簾風偶翻貝葉經
臺上與散曇華茗椀中有象到頭終幻滅無生彈
指卽虛空

一作解說是虛空

春寒大展三衣坐百衲雲山

一線通

魏國趙夫人管君輓詩

子雍書壙志

曾謁西池闕殿春賜加一作大國寵疏頻擇壻當

年郝太傅能書今日衛夫人玉鏡離臺空掩月寶

衣堆桁暗凝塵千秋鄉中名不沒墓有通兒書老

銀歐陽率更子通書母夫
人墓銘夫人諱老銀

寄京師吳養浩修撰薛玄卿法師兼懷張仲

舉右謁因寄

百壺美酒那消憂數卷道書天與游既雨秋城苦

泥淖未寒病骨思衣裘看我目光牛背上憶君珮

聲鳳池頭情知契濶寧復語白鵠斯舉不可畱

風起春城散客憂玉京臺殿憶同游雲開萬象森

丹闕金織雙龍盤翠裘此日聽鷄趨禁籞何年騎

鶴過山頭從君試覓王喬術學化仙臯任去畱

十年京國總忘憂詩酒風流共貴游溪月夜遊鳩

鵲觀灤雲曉濕鷓鴣裘書來慰我臨池上秋去思

君到水頭更憶何何當人張仲舉于今江海為誰

畱

題范德機編修東坊藁後

一編上有東坊字慚愧詩中見大巫直想瘦生如

飯顆竟從瘁處得麻姑咸池水淺孤黃鵠空谷天
寒病白駒擬共風流一作西風接尊酒祗愁塵土沒雙
鳧

御史中丞馬公伯庸有贈薩天錫還金陵長

射策甲科今廿載尺書難信石城潮徑登烏府持

天憲猶倚青溪望使輶四月鸞啼夾城仗千官花

擁大明朝會因桂樹思真隱獨一作會是淮南作賦

招一作會是淮南作賦

次韻楊廉夫送僧仲猷歸澄江禮敬寺

千歲巖頭坐兩夏秋來忽夢刀頭環笑別白猊辭

鷲嶺飛藥赤鯉下仙山桂子紛紛向人落楊柳依

依遲子還子雲奇字不易得只許澄江窺一斑

危太樸入都爲題雲林畫幅

故人渺在雲林端手種梓漆陰團團不憤讀書從

鬼谷何嫌賣藥近長安白日定趨天祿閣青春宜

著鷄鶡冠相思洒盡金壺墨三十六峰生莫寒

懷薛玄卿

卷之中

丹樓百尺倚雲霄有客懷仙興獨高腰下蒼精纏
寶氣眉間脉理卷金毛擬招薛子青田鶴與釣任
公碧海鼇幸自蒼頑同木石思君天夕夢勞勞宜
二月病懷
煮藥香中聽雨眠都緣未熟養生篇雪消春水深
三尺日上花陰過幾磚世事悠悠高枕外衡門寂
寂暮霞邊自慚病鶴摧頽甚却顧雲霄意悄然

上清外史薛玄卿寄題菌閣且約以游武夷

次韻以荅

餘杭山水著飛樓樓外長林地轉幽十畝樹陰閒
濯足一簾荷氣曉梳頭山濤舉代嵇康嬾張說論

文薛稷憂蕭散人間兩外史平生猶一作欠慢亭

遊

玄覽真人示以李遵道舊詩一章俾次韻悼

香外蘭之將寄其子克孝且不論三峽大山中
仙李如何竟小年滿堂圖障慘風烟青山捫蝨誰
同話赤脚騎鯨自上天名世豈唯書画學起家猶
望孝廉船無因得寄松花酒一洒清明筆塚前

贈漁樵侶

郁木坑前負薪者
道士磯頭垂釣翁
我輩與結平生友
夫君還有古人風
水羞涼味蒲芽白
野飯晝香松菌紅
見說行藏多歲月
不離三泖九山中

次韻楊廉夫見投

白髮黃冠歸故里
某丘某水昔曾經
石泉新處鑽槐火
山雨多時拾菌釘
溪叟扶犁天際去
隣娃吹笛夜深聽
杜陵醉眼元空濶
解道乾坤水上萍

吾愛吾廬對對林

吾愛吾廬聊復爾
眼前白石與蒼苔
水從林木陰中過
風自房

中過風自房一作櫳曲處來薄有餘情歸竹素竟

一作無長物受塵埃先生閉戶成真一作真成懶詩債

敲門不厭催

江山勝槩樓為龍
虎黃希石作

仙人元自好樓居
快展江山極目初
天上孫登一

絃曲雲中梁鵠八
分書金明海岫晨
嗽發玉奏風

濤夜籟虛跪席焚
香疑有待麻姑行
按小方諸

乙亥二月還錢塘
書懷寄鏞師魯

黑頭時與王孫別春草又青天一涯貧甚馮驩猶
有缺歸來丁令已無家葑田湖窄殘舟一作游船少墓

道山荒剩一作故屋斜還憶菌巢書數卷雪麋應護

手栽花雪麋玄洲白犬名也對吳山盡日臨天土紙登一

荅楊廉夫二首

弄水摘花春可憐風雨倦尋茅步船我家南塢有
靈石龍井西頭無杜鵑野雀亂雛畏人過弱柳委
地趁蠶眠子雲胡為甘寂寞後世何人知太玄
黃篋樓中惟飲酒樓下長溝鳧鴈多灣頭橋斷浮

青草湖面風來生白波饒奴竟煮一作取脫裊笋老

魚戲唼如錢荷詔書寬大到海角河北飢氓一作民

爭倒戈一作李寧之煮茶亭

桐君山下一區宅木茂土肥泉水香槎頭釣魚秋

雨足亭子煮茶春日長兩山徒為盤谷隱一水尚

係平泉莊莫厭身名俱隱約會見輜軒來晦岡

主中欄阿坐雨寄以敬

載雨過湖山雨重放水出山湖水渾窓風亂解叢

卷之中

箕籜渠溜直穿雙樹根白須道士烟霞癖錦里先生芋栗園想見南隣丘架閣也嫌泥濘不過門

治平末三月五日雪晴丁亥會見神神來御同

日光玉潔千峰立快雪晴時一氣凝當晝墟亭催

掃巷犯寒漁榜借收冰松皮石裂號飢鼠窓隙塵

消觸凍蠅青茁菜芽渾可愛倩誰春餞捲紅綾

張參謀席上奉餞高昌別駕朝宗通守如京

師併簡兼善尚書陸咸師併簡兼善尚書陸咸

梁溪宅裏闕烟霞使者淹留日未斜天生夔龍圖

治道舟中李郭望京華十三絃送黃柑酒第二泉

煎紫筍茶寄謝南宮達夫子會同鷄犬憶仙家

讀戴帥初集

剡源詩卷落吾手便似移家太白峰學道昔慚山

世遠知人今媿郭林宗空山樂書有遺譜白日天

馬無畱踪太息斯人不可見厭將兩耳聞寒蛩

贈鐺伯溫大監

臺閣如公最有稱輶車驄馬數能乘校書在昔專

劉向祕監于今復魏徵汗簡削成金作匱泰階平

處玉爲繩信有仙人唯寂寞側身長倚白雲層

送鄭明德適越

四十日春廿日雨問花尋柳意茫然竹根臥瓶高
筆塚竈下生薪連木烟茅家名餘鐵鑪步龍井氣
勝金沙泉稽山酒船速回棹遲子歸來烹蕨拳天
虞先生送張元朴回龍虎有云塵尾每懷張

外史鵝群今屬薛玄卿元朴索次韻

想見先生戴笠行黃茅岡上看陰晴承聞祖道同
疏傳鄙說還鄉似長卿海內好詩元自少江西行

李不嫌輕謫仙愛與元丹語烟子而今亦有名

秋日晚興

暝色入林烟火微暮雨欲來如有期野雀喧爭棟
樹子幽人行把菊花枝山空始見水泉涸寒至乃
索衣裘遲莫惜題詩將寄遠不多故舊在京師

道館雅集聽琴次楊彥常韻

幽蒿細竹滿墻間雨後危墻似斷山一室子忘塵
世隘諸君能賞病夫閒池巡野鶴魚苗綠土蝕秋
蟲菜甲斑我不鼓琴偏識趣絕憐失勢重躋攀

莫怪道人居處僻柴門今始爲君開曾從小有探
華蓋不向昆明數劫灰秋水渚涯浮地肺茅君局
任守天台倦游早欲依香火付與盧敖戲九垓

南洞居三首

絕磴垂蘿一徑分碧岩不與衆峰群祇疑洞口谿
研石渾是山頭片段雲病試术方疎藥檢書移米
研近爐薰幽人許掾相問訊轉憶山陰王右軍
山中棟宇自齊梁唯數南巖古道場虎洞窺來光

剡剡鵝池臨罷綠泱泱天寒最覺松神王丹化懸
知鶴壽長珍重平生金鵲尾大茅峰下獨焚香
華陽南洞幽人居幽人本是山澤癯玉門砂無勾
漏令太平酒勝步兵厨洞穴嶽岩肺腑隔菖蒲根
節龍蛇枯願從歲晚飽肥遯不待著論稱潛夫

歲晚

一作
歲寒

送日本僧

上人住處扶桑國我家亦在蓬萊丘洪濤拍屋作
山立白雲繞床如水流住世不知誰是客多時忘

却故園秋明朝相別思無盡萬里海天飛白鷗
苔竹溝深迷遠近置我洞庭青草湖飄風驟雨且
高臥來牛去馬非良圖中散幾時應罷鍛舍人何
日共投壺爲畱兵厨醺醪酒待看池蓮冰雪膚
鼇峰宜晚亭
鼇峰亭子偏宜晚約下烟光與細看獨鶴歸來頻
寄語夕陽春外一凭欄昔遊謝眺空陳跡回首敬
亭生算寒萬一桑榆容倦翮西飛會訪毛公壇

鐵笛道人新居曰書画船亭作詩以寄

蘇州去訪揚雄宅近水樓居似月波東府官曹知
者少西山爽氣望中多臺招天上仙人鳳池養山
陰道士鵝誰和淳風吹鐵笛莫愁艇子柳枝歌

寄楊廉夫鄭明德

快雪時晴春意動歸舟移纜向方塘走尋飲伴鷄
豚社誤落詩名錦繡場子雲奇字誰能問鄭老襟
期獨不忘闔閭城中可終老安得四萬買滄浪

馬伯庸中丞桐鄉阡遷祔有旨賜碑名肇文

開善有詩次韻
公家肝表似瀧岡總爲能文補舜裳龍耳當承天子問龜趺重表鄭公鄉異時將相寧無種此舉邦家亦有光想見丹書映叢桂淮南無地著秋香

寄題陳涓叟紫雲編用張仲舉韻

葛溪觀主陳涓叟高行絕人詩益工明月雙珠好
奇服閒居七言成變風大茅獨立雲在下小史久
住江之東吳筠寥寥五百載唯我與君相長雄

新栗寄雲林

揭來常熟嘗新栗黃玉穰分紫殼開果園坊中無
買處頂山寺裏爲求來囊盛稍共來禽帖酒薦深
宜蘸甲盃首奉雲林三百顆也勝酸橘寄書回

西爽軒次韻韓致用

大名誰及河東老爲愛幽軒肯賦詩沆瀣一杯凌
倒景闌干幾曲帶清漪徒聞東海投竿去不似西
山拄笏宜兩岸菰蒲魚鳥樂繫船猶帶綠楊絲

荅董子羽見寄

清都聞已住多年鶴駕鸞驂與後先閭闔五雲宮

樹暖蓬萊初日羽衣鮮
神仙翰墨唯皇象
史館人材總孟堅
天上春風如舊識
殷勤吹送寄來篇

山莊秋詞

香散天階靜玉珂
水臺風殿夜如何
星從河漢淡中落
秋在梧桐疎處多
鸞影不曾離寶鑑
蛛絲先已墜金梭
君王爾館詢遺事
却擬鑿車共載過

落一

作没

寄渭清遠記室

夫石墜腰勤苦行
此生深愧老盧能
雨雷澗下三

板水苔臥窓間
七尺藤清竈鍾傳
晨放梵雲門詩
到夜挑燈憑君試
問龍河隱政在
鍾山第幾層

五言吳興舟中

茗溪斫鱸腹偏腴
取酒烏程清若无
最憐楊柳破二月
絕勝蛾眉游五湖
船頭濯足畏魚泚
港口卸帆驚鳥呼
林巒在處著舟楫
倘有剩田吾欲租

次韻倪元鎮贈小山張掾史還寄元鎮

爲愛髯張亦癡絕
簿領塵埃多強顏
何如膝上王文度
轉憶江南庾子山
綠樹四隣懸榻在
青溪千

何荷鋤還風流者舊凋零盡莫怪參軍語帶蠻
元統甲戌夏五月既望余客義興王氏懷慶
穴堂十又八日偕士友張德常謁張公洞得
路入秋陰罨畫間弭節洞靈俱啟關東皇衣覆雲
霧海玉女盆盛人易山牽驟步步跡石髓投龍往
往祝金環茅家小史豈塵土此地一游聊解顏

吳石居使君壽八十

太宗師兄
養浩父也

山榮樂會

若翁腰帶玉圍虹賸喜今年八十同食邑嘗爲曉

騎尉入城爭識鹿門公車回晚望蓬萊日帽卸涼
梳菡萏風兒子去爲真學士未應園綺住山中

吳養浩江浙提學任滿侍親歸番陽

穩送歸帆向錦江西湖能負白鷗雙書中久已知
梁鵠床下時曾拜老龐封還畫省文章印盛取玉
堂雲霧窓榮祿鄉中會耆舊開筵應釀酒盈缸

題彭大年禱雨詩卷和仲舉韻延祐己未開

羽衣秋薄剪湘荷茅屋山宮補綠蘿白石資方青

飢飯洪厓借乘雪精騾松雲暖憶春游嶽水草寒
伶曉渡河使節南歸如見念峰頭笙鶴好相過

悼鶴 大平嶽雨晴卷味竹翠蕭瑟未開

羽毛凍損雪欄斑碧落遊魂杳不還和靖船歸籠
尚閉浮丘經在壽能慳長身被裹玄黃內舊迹苔
封紫翠間欲撰瘞銘修故事寄書先報九華山

和沙刺班郎中上巳湖上道宮韻

望湖樓觀似山陰水邊麗人同賞心槐火新泉還
有夢玉魚葬地已無金三潭雨壓蛟龍睡半嶺風

傳鸞鳳音擬續臨河修禊事塵埃蠶紙不堪臨益

代溪月翁和吳宗師所寄賜酒感興詩韻

年年恩霈出皇家此度仍回八月槎望闕蒼龍分
瑞靄開樽白獸瀉流霞箋天久已知心事鑑水唯
應換髮華遙想新春供大禮班頭對御祝椒花

墨苑柳道傳送別還茅山次韻復謝

烏蜀先生相見稀鍾陵初載橐書歸江南蕭艾作
人立卷裏盧龍看雪飛最怜玉斧有道氣重惜子
真猶布衣去去空山相憶夜朱絃三歎爲君揮

真次韻題呂氏園館
因向雲間求二陸西施浦口弄雲沙東風勒住螭
頭舫微雨催開蠶粟花到處華房通曲密舊時醉
墨誤欹斜一聲歌板銀瓶側亦見玉童雙髻鴉

和坡仙寒食詩

并序

先生鳳翔和子由此詩嘉祐八年也書
此詩則元祐二年在翰林時也啼鳩世本
作啼鴉當以其迹爲正周顏志先生論書
有雲端莊雜流麗剛健含嫋娜觀此帖益

信今年寒食適二月將晦輒次韻一律仍
用首句云帖得之於僧笑隱笑隱平生習
書所寶者此爾

寒食今年二月晦又分新火到厨烟碧桃花落閒
誰埽白苧衣輕老更便發篋但餘金薤墨考年正
在玉堂編大書絕類顏光祿小字駸駸逼墓田

再次韻沙刺班郎中春游二首

楊柳三眠午未醒楊花飛雪散星星海中蜃氣春
浮島月下胎仙夜降庭尺素書來雲錦織紫鱗躍

處浪紋腥樓前政有三株樹剪斷西山一半青
隣近桃源鷄犬家不緣迷路得看花衣裳總溼三
危露服食唯消五色霞鶴塚浪磨崖上字漁舟潮
閣渡頭沙石盤碁子都狼藉莫向人間問歲華
歐陽巡尉遇仙卷
寶圭風洞鼓鉦鳴獨挈仙壺一世驚勾漏丹砂還
道術瀧岡阡表足家聲芙蓉城小花周匝枸杞叢
深犬吠迎不上鸞梯十二級白頭空愧學長生

伏蛟臺胡道玄請題伯生有記

豫章自昔旌陽宅借問仙都已劫灰西山應無剪
柏處東湖遂有伏蛟臺千年鍊札化爲石十日陰
風怒若雷妖孽不生寰海靜五陵佳氣待君來

浴鵠灣題壁

狀流亂石幽栖地子美詩中蕭史家白髮羽衣元
自稱風流異代不須嗟竹緣迂籬編筍叢礙低
垣雨臥花豈少烟霞閒艇子一枝聊贈老生涯

送姚煥章還京口兼簡張率性

江鄉人事凋訛盡人日題詩復送行十載歸來訪

隣里他年科第屬門生春泉暗動金沙井晴雪微
槭鐵甕城推官廳有詩人住閒暇相求一寄聲

和丹丘生悼吾子行書遺墨後

故人亦復葬江魚空向人間憶子虛月下簫閒留
譜在竹邊房冷倩誰居蓬萊都水題金簡汲塚先
秦見漆書惟有研山磨不朽時時淚滴玉蟾蜍

八月十五夜待月

移牀露坐閒臨水浴鵲灣頭足芰荷秋已平分催
節序月還端正照山河老憐宋玉生悲思狂憶桓

伊作浩歌雲漢茫茫一卮酒白頭慚愧古人多

次韻韓伯清見寄

塵海幽居似地仙滿牀堆笏是家傳座中桃李春
風酒郭外桑麻杜曲田倚蓋一松扶偃蹇影娥片
月弄嬋娟池邊草色撩詩思未覺才情讓惠連

無庸月山石詩

拾得金錢溪上石小峰如弁立雲根他山鳥道隔
千里新月蛾眉見一痕入林誤踏金臺背激水猶
思雪浪盆擬就漫郎呼酒觞石魚湖上共窪尊

春將過半病懷索莫惜無可與言詩者得句
千里祿自遣山澤癯者云
一畝花栽繞屋廬半春多病意何如緣詩太瘦終
無補與酒全交漸要疎研席留香非長物齋庖得
筍是佳蔬鶴群呼喚來同飲新綠濺濺已滿渠
風西士弘賢良猥贈佳什空山真有似人之喜卽
與奉和所望爲晚菊一來山也丙戌夏作
南州高士祗徐君野鶴昂然自不群心似寒潭水
下水身如秋嶺雨餘雲藝蘭何待樵青斧醜酒難

尋李白墳爲問別來能幾日城中消息了無聞

方泳道令尹水竹亭

水竹亭子在花山輸與幽人日倚欄蒼雪四簷迷
窈窕綠波三面浸琅玕扶行綠竹鳩形杖濯足金
沙鴨嘴灘幾樹甘棠同召伯更畱清節比方干

善權山洞

善權離墨爭盤紆浩劫礫砢仙人廬莘莘石林壓
水府往往閣道通樓居壁藏已出黃素卷穴處尤
多青綠魚愛此長連煮藥竈待我盥漱霑遺餘

次松瀑黃尊師寓籌峰韻

甲寅春

保大誰傳墨半規筆蹤驚見十年遲風流丘壑真
吾事名教衣冠異昔時書別左公尋解劍酒深東
老獨留詩谷山長在通玄頂笙鶴相過自有期

少謝快雨喜晴而開陽室適成賦詩自慰

春來耽酒仍耽困一枕雨聲如蜜甜老鋪栽松寧
有待飢腸食笋獨無饜峰連筆格安空翠泉入茶
鑪闔谷簾吾愛吾廬聊復爾少留佳日在茅簷

女仙江靜真碧遊仙詞

衣劍符圖有子傳生如孤鳳蛻如蟬方畱橘葉聊

供母誰信桃枝已得仙

張桃枝漢司隸校尉朱寓季陵母也行陰德久聞在

易遷得為侍郎事見真誥

蕭索簾幃通素月玲瓏環珮曳空烟

麻姑壇上花姑老想共乘鸞欲著鞭

越靈峰寺之松風閣

谿谷風聲何瑟瑟嘯歌長在兩長松金鷄翔舞不
多見青壁夤緣知幾重花時掃閣黃塵滿泉處鑿
厓甘露濃待我與攜笙鶴去香爐對面禮陶峰

筆塚

退筆如陵那忍棄
斂藏數籠瘞岩阿
管裁犀象寧同殉
研歷冰霜尚可磨
兔窟早空金椀地
鵝峰深潤墨池波
毛穎有靈應感遇
秦恩自少主恩多

次桑善止韻是日廉夫楊尹見訪

髮脫冠欹衰態多
日長猶賴飲無何
阿對泉頭布衣老
謝公墩上美人過
青松豈代塵尾柄
如意莫擊珊瑚柯
校書天祿餘事耳
遲子考槃同礪阿

次韻王文友送遊張公洞

庚桑成道來孟峰
再拜攝衣昇故宮
馨香果核猶

可拾顛倒雲氣長
相蒙有時月明鐘
磬發絕頂濤聲舟
檝通看從便道之
五嶽腰插騾鞭追
老翁

再次倪元鎮韻

嗜石未數奇章公
太湖洞庭無此峰
便擬翻身入青壁
誰見抱膝哦長松
乳泉從令飛鼠飲
絕路或與樵人逢
玉女下房不可到
只許雲氣隨飛龍

黃一峰画貞居圖

北苑南宮凝絕筆
蟠胸磊砢若為裁
按圖寧在多許落
墨真成滾滾來
百折丹梯凌礪道
一川燄

水動灣洄時清誰問商於路乞我西山錦繡堆
 此亦代玄覽真人次虞伯生見寄韻
 屋倚松杉路擁莎金鰲小隱且婆娑幾季有約遙
 相望一棹何時肯見過老去山中空歲月秋來江
 上政風波黃花滿眼香醪熟對此其如逸興何
 又次韻車公太監
 別後驚心歲已馳幾回草夢遶春池新詩遠寄迢
 遙驛舊約重看絕妙碑鰲禁風清班綴玉龜溪雪
 冷鬢垂絲何時共執論文酒坐對西窓待月遲

贈姜彥翁秀才

并序

予嘗知無業師

會稽姜彥翁傳家子早游杭學執事俎豆
 間垂廿載季試輒居前列遂被省檄充郡
 吏且待補之日長與樵牧僮豎為師友其
 居適臨山館求予言辭既不獲敢以忠告
 之比凡故事彥翁之所習聞請論以近若
 晉寧張仲舉氏與予同師仇仁近先生為
 童子師至金陵京師遷揚州終始授徒為
 業四十載不繇科第不涉貢吏一日姓名

主聞置之玉堂之署編修應奉如取券納
物其進未可量日來置史局爲吏服者方
俛首虞箠笞之不暇稽古之力儒者小試
之效已如此古今曷有異途在所存何如
耳予持此以發彥翁趨向之端復爲詩以
堅其雅志云日昃典熟外對聖諭前又其
科舉恩霑鄉貢榜學校例貢諸生員多岐取士從
潤色百骸受蝨爭膏緣窮巷授徒缺養母普天爲
吏橫索錢妙年立身在擇術老生常談無棄捐

和黃晉卿提舉憶舊詩

支許何能接王謝山陰圖畫畧相同能留繭紙真
奇事愛養鵝群少道風苔樹斷水春未破花蘂削
雪酒如空深慙故舊相料理肯使牢愁坐五窮

天師素華閣

仙家樓閣風塵表更築凌空月榭高虛白豈知存
夜氣太清還許隔秋毫溪光澹澹水填壑松響離
離雪舞濤此去銀橋通咫尺神仙直下有靈鼇

碧筒飲

採綠誰時作羽觴使君亭上晚尊涼玉莖沁露心
微苦翠蓋擎雲手亦香飲水龜藏蓮葉小吸川鯨
恨藕絲長傾壺悞展琳琅袖笑絕耶溪窈窕娘
山家上京賜宴王眉叟有詩次韻高適白豈賦
從事何緣過草堂行都遣賜玉壺方遠勞使者紅
塵騎爛煮仙家白石羊中聖敢辭千日醉承恩獨
許四明狂金莖賸有三清露潤及葵心向太陽

句曲外史集卷之中

終

句曲外史集卷之下

詞

東風第一枝

清淚如鉛綠房迎曉寶階低擁雲葉蜻蜓飛上搔
頭依前艷香未歇西窓暗雨怪簾低參差涼月正
一叢深倚琅玕石上只愁磨折問瑤草應憐短
髮曾醉墮無聲膩滑羞他金雀鈿蟬高似水仙羅
襪芳心斷絕誰與贈湘臯瓊玦試折花擲作銀橋
看舞素鸞回雪

蝶戀花

次疎翁
冬至韻

空谷天寒殊慰藉半幅瑤華喚得春回也金馬玉
堂猶傳舍嵩雲潁水風流夜半馳騁莊騷凌鮑謝
昔日忘年解后鴻濛野愁絕朱絃誰為寫高情那
復如疎者香未泯西窓雨雨外飄沙夢去京門五
青銘
方隅洞銘
洞玄洞虛方山之隅開廓非有杳冥非無玄窓仰
窺玉几俯捫願降霞人接我高奔

玉磬池銘

并序

外史菌巢東南之偏鑿池渚泉與崖室相
周旋象形以磬名焉因勒銘于其垠

玉斯潔磬斯折德象著地寶泄琤琤十六銘池淺
玉或有力者終負去未若藏斯磬于空谷吾見其
不舍晝夜而奏雲門大韶之曲也

石室銘

并序

外史承畱侯之裔修隱居之業年六十遷
南峰靈石礪所著老氏經集傳茅山志幽

文玄史與其詩若干卷藏龍井之石室解
所服劔代其形合藏焉以示道之不可傳
者旣闔戶勒銘其上曰

藏書何爲道無累倚瘞劔何爲神無體倚玄室之
闕閱千歲而未始倚未大元癸未歲吳郡張雨造

王記

真樂軒記

茅山建炎之洞雲菴至元間被璽書是爲紫陽觀
殿廬之陰壁斗澗淙景氣幽歛嗣主是者湯君玄

窓比歲壬申益方丈東偏尋丈之室而舟其制榜

曰真樂蓋取画舫齋語云夫六一公遐思險歷江

漢豈真樂於舟居及羨夫江湖散傲若有所未暇

則又曰舟行豈不樂哉玄窓徒慕公之語篔簹瓢

磴固無波濤蛟鼉之危而亦未嘗識延緣叢葦間

拍浮酒船之爲逍遙之游也擬舫齋而曰真樂是

徒慕其語非耶雖然被褐巖栖之士顧未能濯足

扶桑東觀蓬萊又豈公卿大臣涉世風波之迹所

比倫哉居是軒也半席焚香燕坐移頃元氣爲舟

微風爲掩其翱翔容冶之樂伸長統尚能言之玄
窓知之則真樂在此而不在彼矣吾所以知真樂
之然者以此至順四年癸酉三月十八日句曲外
史吳郡張天雨書畫之流也其齋而曰真樂是
齋贊無或意也畫之流也其齋而曰真樂是
限又外史自贊画像若志窓卦慕公之語軍立
志逸心疲身清命濁逃同類而親猿狙毒厚味而
羹藜藿學取益而不勝其損事知危而姑與之安
一龍一蛇不厭已之深渺惡衣惡食先憂人之飢

寒忽然爲人而反常若此何以祛有身之患

其傳

中嶽外史傳出然正行自燃

米芾字元章襄陽人博洽記聞於群經務通大旨
論議斷以已意其辭發揚踔厲世儒所不能屈爲
文務崖絕魁壘要必已出爲工悟竹簡以竹聿行
漆故篆籀法先秦正書魏晉而下無取愛潤州江
山因定居北固作寶晉齋前有碧梧甘本甘露降
其上蓄王謝真蹟右軍紫金石硯善畫古聖賢像

及寫山水幅長不過三尺制白玉圖書印六文曰
辛卯米芾米芾之印米芾氏米芾印米芾氏印米
芾元章印性至潔置水其傍數盥而不悅未嘗與
人同服器客請閱法書對設兩案手爲舒卷懼客
手袖觸之則意裝洗之也嘗願死作蠹書魚游於
金題玉瓊間而無害妙解音律作五音正韻用以
制律本五聲之音出於五行自然之理管仲深明
其要著其形以爲太平作樂之具沈隱侯得四聲
而不得宮聲乃分平聲爲二以欺學者陸德明遂

以吳音傳會至是始自五方立五行求五音乃得
一聲於孟仲季位因金寄土五音皆具有聲無形
互相假借千載之下神姦鬼祕無所逃形云又著
天說備究天地日月旁側盈虛之形撰晝夜六十
圖與潮汐大小准援據六經盡黜古今百家之妄
其書藏之名山平生與游率天下士蜀郡劉涇長
安薛紹彭好奇尚古是其一流入也風神散朗服
唐人冠衣眉宇軒然進趨澹如音吐鴻暢雖不識
者皆知爲元章也晚爲臨川王公眉山蘇公所深

知臨川絕愛其詩摘句書於便面蘇公有云元章
奔逸絕塵之氣超妙入神之字清新絕俗之文相
知二十年恨知公不盡荅曰更有知不盡處修楊
許之業爲帝宸碧落之游異時相見乃知也初宣
仁高后在藩與其母丹陽君有舊元章長於邸中
以恩補校書郎授含光尉尉遷入淮南幕改宣德
郎知雍丘縣乞監中嶽廟因號中嶽外史崇寧間
置書畫學公時在太常爲博士因進上所藏書若
畫皆不下一品優禮荅之詔用黃庭小楷書千文

出知常州不赴改管勾洞霄宮就除知無爲軍元
章性好石無爲公解有奇石元章驚喜曰吾當兄
事之遂具袍笏再拜未幾召爲書畫學博士尋擢
禮部員外郎以言者罷知淮陽軍彌年瘍生于首
卽上書謝事不允卒於郡齋年五十有七大觀三
年葬於丹陽長山下有自寫海岳菴淨名齋圖著
山林集十卷並傳于代丹陽蔡肇嘗銘其墓予怪
其叙事多脫落故爲搜剔舊聞補葺爲中岳外史
傳昔賀知章號祕書外監而元章號中岳外史張

長史旭稱賀八清鑑風流千載一人也子用爲米
元章傳贊當世不能損益云聞麻葉爲中世米也
山林與十卷並動于外其與蔡肇二書卷之二
平表於後揚父山下有自爲蔡岳蔡華谷夜圖書
鳴土書揚事不次卒於張濟平正十有士大贈三
贈贈員外郎以言首領賦賦別軍嚴半幾坐于首
以之親長蔡再拜未幾各爲書畫學衛士奉獻
平表於後揚父山下有自爲蔡岳蔡華谷夜圖書
出職常限不法如晉之同霄宮涼朝賦無念軍天

附錄

句曲外史張伯雨墓誌銘

劉基伯溫撰

外史錢塘人姓張氏字伯雨六世祖九成以狀元
擢第于宋傳四世至逢源仕宋爲奉議郎通判漳
州逢源生有孫有孫生雨雨性狷介常眇視流俗
悒悒思古道知弗能與人俯仰遂挺身戴黃冠爲
道士登茅山受大洞經籙豁有所悟遂負出群道
士表道士見雨神益完貌益固雖其師亦莫能測

也雨獨與學士吳興趙文敏公善每以陶弘景期
之雨自號句曲外史明年開元宮王真人入覲京
師外史自副時范德機以能詩名外史造范范適
出有詩集在几上外史取筆書其後爲詩四韻守
者見則大怒趨白范而范驚曰吾聞若人不得見
今來天界我友也卽自詣外史結交而去繇是外
史名震京中一時賢士大夫若浦城楊仲弘四明
袁伯長蜀郡虞伯生爭與爲友願留之京師外史
雖爲道士恒以親老爲憂延祐初謝觀居開元宮

明年杭災宮毀外史適華陽至元丙子以上塚告
歸遂不復去年已六十矣先葬冠劍于南山而辭
宮事但飲酒賦詩或焚香終日坐密室不以世事
接耳目後卒于宮之齋居篋無遺物也外史素不
與俗人交人有不善輒面折而有善亦未嘗不力
揚之故遠近之有學者無不願踵其門雖不見許
可退亦不敢憾非其識見精敏操履端正何能使
人畏服若是哉至正乙酉基以提舉儒學備員江
浙始獲與外史一見卽如平生歡明年七月而外

史卒嗚呼世之拔流俗而行者鮮矣得斯人焉而弗獲久與游寧不深可惜哉外史旣卒于是宮之掌事及其弟奉其棺葬於冠劍之所而基適迫棘闈事弗能預執紼及出爲訪外史遺躅而爲之銘而外史之徒若子弟無能承外史之志者外史已矣有友而弗銘咎將誰歸於是乎銘銘曰孰與之軀以爲吾拘式還其虛杳兮冥兮吁嗟乎幽墟嘗攻外史之交盡當時海內名士而爲之銘者則晚交之誠意公也蓋公之才器非外史莫能

識而外史之玄德懿行非公亦莫之能銘是不可以或然論也觀公之誌恒以不獲久交外史爲惜以愚臆之在外史之靈亦不能不以得公之銘爲慰也第其生卒年月誌不顯具於後此姚氏之傳牴牾特甚似不可以無辨按誌稱外史以延祐初居開元明年適華陽至元丙子以上塚東歸遂不復去年已六十矣逮至正乙酉公始以提學友外史明年七月而外史卒據此則外史之生當在宋端宗景炎丁丑其卒之歲

則至正之丙戌也姚謂以下丑歲出茅嶺庚辰
歸陽德館丁卯造水軒于浴鵠灣明年刻詩于
藥井上時年七十有六亦不錄其生卒此皆可
疑者也夫以劉公親交外史而姚則得之傳聞
宜若舍傳而信誌然集中有丁亥十二月五日
雪晴及六日喜晉卿至二詩皆用綾字韻末復
有再用丁亥歲雪韻懷中舉一首而後此別無
戊子已丑之編則知此數詩去絕筆蓋無幾矣
苟謂此爲前至元之丁亥則尤不可信也况送

錢思復之永嘉詩題下注八年九月四字而元
之編年自元貞以來無所謂八年者獨庚申帝
有之實至正戊子也其諸外史以是年刻詩藥
井不久而黃篋告終歟若然則作軒之年當爲
丁亥而七十有六之六則二字之誤也誌所謂
明年七月又當爲八年某月無疑矣蓋明又捌
之似也校閱之餘漫爲拈出以俟博雅君子之
補正若夫傳世之大者固知不在此也嘉靖癸
巳亥豕月吉石樓野生謹識

外史杭之錢塘人姓張名雨又名天雨字伯雨號
貞居子宋崇國文忠公九成之裔年二十棄家徧
游天台括蒼諸名山吳人周大靜爲許宗師弟子
得楊許遺書外史師事之悉受其說入開元宮從
真人王壽衍爲道士名嗣真風裁凝峻見者異之
見趙松雪承旨趙見其作字勁健贈以雲麾將軍
碑墨令師法之書果超越儒學提舉楊廉夫許在
陶貞白上飲酣伸紙作大草尤妙小楷變率更家

數世稱二絕詩宗杜惟肖古選類大曆間諸子文
學韓而冷語類漢獨於畫未工或引敗筆點綴木
石人物亦自賞適蓋論意不論象也壽衍嘗偕入
京時燕地未有梅惟吳間閒宗師自江南移植護
以穹廬扁漱芳亭外史造其所恍與西湖故人遇
徘徊旣久不覺熟寢其中壽衍竟日不見憂其迷
路外史覺而已晡閒閒笑曰伯雨素有詩名宜有
作遂賦長詩有風沙不憚五千里翻身跳入仙人
壺之句閒閒大喜送之翰林集賢袁伯長虞伯生

揭曼碩諸公和之繇是名大起一時浦城楊仲弘
清江范德機金華黃晉卿吳興趙仲穆交甚善它
日謁虞虞問能作符篆否荅曰未能虞連書七十
二家示之卽下拜曰真吾師也自後凡與虞手札
必執弟子禮其服善類此壽衍復偕入朝被璽書
賜驛傳欲官之非其志也卽自誓不更出因三茅
有招赴之奉任君而下五君爲文告之願畢力茲
宇所著山世集三卷碧巖玄會錄二卷尋山誌十
五卷考索精博又著玄史自序曰老子玄足者也

是集獨不與者尊之至也嘗悅劉大彬所修茅山
志因號句曲外史丁丑歲出茅嶺庚辰歸陽德館
作黃篋樓儲古圖史甚富往來靈石山之精舍丁

卯

按丁卯當
作丁亥

造水軒于浴鵠灣明年刻詩藥井上

時年七十有六

按七十有六當
作七十有二

其所居又有開元

靜舍南真館老學齋與會稽王山農上清薛玄卿
章心遠龍翔毛伯圭輩相友善多文字酬酢廉夫
避地於蘇之錦繡坊外史以其知己數造焉廉夫
推爲前輩每題其製作曰貞居先生其有手鈔一

帙遺胡季城題云紅巾寇杭先生墨跡在黃篋樓者不與焦炬同化則與稊載同逝矣此鈔豈非晉武庫之遺劔也耶有吊其亾曰黃篋樓頭仙一去明年黃篋婦狼烽不知天上修玄史只訝山中伴赤松石室祕書愁攝電星池遺劔已成龍思君不見夜開戶月在金鐘玉几峰又爲安陽韓致用題其手削卷尾曰雖疏俗出語亦別殆欲過晉人筆舌矧其辯論道德文章事乎廉夫夫代人望獨於外史重其不輕許可較然矣手營墓于靈石西湖

之陰南屏之右前阻澗瀍繫腰作梁名玉鈎橋南數十武作藏書石室自勒銘而吳睿隸古綬五七年前從甘泉劉邦彥得八帖往往言造酒必善飲又見其手錄詩文各一冊予以古書畫一卷易得詩冊計二十六紙五七言詩八十一首中有附錄遂昌鄭明德東海倪元鎮龍河僧大訢詩十餘首其不遺故人之善如此又於邦彥得二紙其紙標丁亥二字其詩文必多故編年書之旁二行云繆作積歲月成帙初不事深僻覽者或昧其所從來

易玄久許一箋請如古法簡要疏於語下尚藉是以傳焉予不考易玄何人成化丁酉杭有攜其像入金陵者人得卽攜涉楊子亟遣人物色之以歸爲文酬之是冬又得其台仙閣記一軸詞翰益蒼古戊戌予偕羽士史玄隱拜其墓爲詩吊之桐村牧周伯器亦有詩在別楮意其或埃壒之表爽爽不昧尚化鶴來予丹丘曠世而神交否乎著小傳爲書其遺墨後仍勒之石庶觀者有足以論其世也論曰

嗚呼兩間所靳者名道德之外有事功有文墨皆分定不可兼得一之已足尚矣有其二而道或汗焉亦奚尚乎外史所有種種超越名孰與靳故曰諒無金石固榮名以爲寶山澤之臞列仙之儒其斯人歟

成化十五年九月朔日嘉禾姚綬書

外史先生蘊勾吳清淑之氣飫天台括蒼吐納之腴稅駕茲山充養益粹故其詩辭自得情逸調諧揮灑所至神閒勢應一時名家宗匠談笑

而頡頏之因其所也今觀其適意之作則猶太
虛冲融風日流麗幽蘭在谷一笑自媚及其感
時慨事撫懷亢論則雖秋月高寒白露慘下深
林如晝孤鶴長唳未能盡喻也黃篋手鈔編年
列類所積富矣惜乎兵火薦罹歲蝨月蝕逸而
存者無幾其間得之者或寶有而靳於傳或欲
傳而沮於力斯文之晦識者興嗟應符藉父師
之仁覆襲靈真之勝壤塊食無禪良用耿耿私
淑之餘於凡先生舊所經歷之地靡不窮搜博

購積累既久什或得其二三亦欲俟其全而後
壽諸梓弁貞白山世諸編並傳顧惟歲月遄邁
人事靡常故以讐校類次之任付之名者僭題
曰遺集而錢焉雖於真風玄訓莫能葳紹其萬
一然假是錙銖之勤以爲素餐之贖固惓惓自
負之誠也既訖工因題數語於卷末以識歲月
云嘉靖十有三年歲在甲午春正月哉生魄節
齋陳應符敬書

伯南慕宋元章爲人摺中岳外史傳法印句曲外

史自傳幼少元章初暮年三王晚入韓字系伯雨如
 學雲麾將軍免通醜陽郡更元章一見為公
 存亦石印欲定多之伯雨入新地見梅于吳園之
 宗山遇西湖故人徘徊竟自不忍去元章多藏玉璫
 一歌筆得祕府而黃茂樓心儲不無室嘗為元章
 愛淫州江山因卜居而堂後地肺丘壑更自佳
 携至子元章卒先一月其平生書畫預置一棺
 焚香自具中曰眾喜國衰來外香國裡去舉拂
 合掌而逝伯雨預葬刻于南山原絕外予飲酒

性得楚香元生及期羽化遺世餘物如得三米
 頓而張仙知其海無邪一惜身詩文罕傳傳為
 為所輯遺集茲傳不致亟為補諸卷末海雲
 毛晉跋

句曲外史集卷之下終

終

句曲外史集卷之下終

句曲外史集卷之下終

句曲外史集卷之下終

一

一

